



CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA (SECRETARÍA XERAL DA IGUALDADE), A UNIÓN PROFESIONAL DE GALICIA E AGAXEN, (ASOCIACIÓN GALEGA DE PROFESIONAIS DA AUDITORIA SOCIOLABORAL DE XÉNERO E DA PREVENCIÓN DO ACOSO E DA VIOLENCIA DE XÉNERO NAS ORGANIZACIÓNS), PARA A PREVENCIÓN DO ACOSO SEXUAL NO ENTORNO LABORAL

Santiago, 25 de xuño 2018

REUNIDOS

Dunha banda, Alfonso Rueda Valenzuela, Vicepresidente e Conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Doutra, a Unión Profesional de Galicia, CIF G15440258, representado neste acto por Antonio M. Macho Senra, que actúa en nome e representación de Unión Profesional de Galicia, en virtude da súa condición de Presidente, de acordo co nomeamento outorgado en Asamblea Xeral de 27 de abril de 2015 segundo o disposto no artigo 22.g y 42 ó 46 dos seus estatutos.

E doutra, AGAXEN (Asociación Galega de Profesionais da Auditoría Sociolaboral de Xenero e da Prevención do Acoso e da Violencia de Xenero nas Organizacións), inscrita no rexistro de entidades prestadoras de servizos sociais co nº E6757, e co CIF G94161833, representada neste acto por Dña María Ángeles García Pérez, que actúa en nome e representación da mesma, en virtude da súa condición de representante legal, de acordo co nomeamento outorgado segundo o disposto nos artigos 20 e 21 dos seus estatutos.

Todas as partes recoñécense a súa capacidade para obrigarse e acordar e,



EXPOÑEN

Primeiro.

Que a Comunidade Autónoma de Galicia ostenta competencias exclusivas en materia de asistencia social, de conformidade co disposto no artigo 27.23 do Estatuto de Autonomía de Galicia (Lei Orgánica 1/1981, do 6 de abril), e nos Reais Decretos de Transferencia 2411/1982, do 24 de xullo e 534/1984, do 25 de xaneiro.

Segundo.

Que a Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, ten entre as súas competencias impulsar as actuacións conducentes á promoción da igualdade e á eliminación da discriminación entre mulleres e homes, así como á eliminación da violencia de xénero nos termos establecidos na Constitución, no Estatuto de Autonomía de Galicia, na Lei 7/2004, do 16 de xullo, para a igualdade de mulleres e homes, na Lei 11/2007, do 27 de xullo, galega para a prevención e o tratamento integral da violencia de xénero, e na demais lexislación aplicable na materia.

Terceiro

Que a Lei 11/2007, galega para a prevención e o tratamento integral da violencia de xénero, modificada pola Lei 12/2016, do 22 de xullo, recolle no seu artigo 3 apartado c) que o acoso sexual é unha forma de violencia de xénero.

Cuarto

Que a Lei 11/2007, galega para a prevención e o tratamento integral da violencia de xénero, modificada pola Lei 12/2016, do 22 de xullo, establece no seu artigo 6 que o departamento competente en materia de igualdade, en coordinación cos restantes departamentos da Xunta de Galicia, porá en marcha de xeito periódico, campañas de información e sensibilización que teñan como obxectivo mudar os estereotipos sexistas, e que incidan no rexeitamento social sobre todas as formas de violencia de xénero. No



mesmo artigo 6 tamén se establece que a Xunta de Galicia levará a cabo accións de sensibilización dirixidas á poboación masculina, que incida na necesidade de promover unha sociedade máis igualitaria entre muller e homes.

Quinto

Que a Disposición Adicional Segunda da Lei 11/2007, galega para a prevención e o tratamento integral da violencia de xénero, modificada pola Lei 12/2016, do 22 de xullo, establece que o Goberno da Xunta de Galicia impulsará a formalización de acordos interinstitucionais de coordinación entre as diversas instancias e administracións públicas con competencia no ámbito da violencia de xénero, que sirvan de cale de actuación e colaboración para conseguir, entre outros, no ámbito social, unha atención integral e coordinada ás mulleres que sofren violencia de xénero.

Sexto

Que a Unión Profesional de Galicia, segundo o disposto no artigo 1 dos seus estatutos, constitúese como unha asociación das previstas na Lei Orgánica 1/2002, do 22 de marzo, con personalidade xurídica propia. Así mesmo, no artigo 6 dos seus Estatutos recóllese entre as finalidades específicas da Asociación se atopan as de promover servizos asistenciais, sociais e culturais, promover todo tipo de incentivos orientados á mellora da formación dos seus integrantes, impulsando para elo a organización de programas formativos e de coñecemento de novas técnicas ou a promoción, consecución e desenvolvemento dos convenios de colaboración e encomendas de xestión e de asistencia coas Administracións e Entidades Públicas,

Sétimo

Que AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións), segundo o disposto nos artigos 1 e 2 dos seus estatutos, constitúese como unha entidade asociativa con personalidade xurídica propia. Así mesmo, no artigo 3 dos seus Estatutos, AGAXEN (Asociación Galega de Profesionais da Auditoría Sociolaboral de Xénero e da Prevención



do Acoso e da Violencia de Xénero nas Organizacións) recolle entre as súas finalidades básicas as de fomentar o interese polo estudo e investigación en materias socio-laborais e de xénero, prevención do acoso laboral, sexual e por razón de sexo, e prevención da violencia de xénero, así como calquera outra discriminación ilícita no ámbito do traballo.

Oitavo

Que a violencia que nas súas distintas formas se exerce contra as mulleres, entre elas o acoso sexual, supón un serio atentado contra a dignidade e a integridade física, psíquica e moral destas e, en consecuencia, unha grave e intolerable violación dos dereitos humanos. A súa prevención e erradicación compete aos poderes públicos, que teñen a obriga de articular medidas de sensibilización, asesoramento, atención e protección ás mulleres que a sofren.

A violencia de xénero é un delito en moitos casos invisible, que en numerosas ocasións ten lugar na intimidade dos fogares, polo que a colaboración de todos os axentes, entidades e persoas é clave para a súa detección e para ofrecer axuda ás súas vítimas.

Noveno

Que o Convenio de Istambul, que entrou en vigor de forma xeral e para España o 1 de agosto de 2014, recolle no seu artigo 9 que os Estados membros fomentarán e apoiarán a todos os niveis, o traballo das Organizacións non Governamentais pertinentes e da sociedade civil que sexan activas na loita contra a violencia contra as mulleres, e establecerán unha cooperación efectiva con ditas organizacións

A Unión Profesional de Galicia é unha Asociación que agrupa actualmente a corenta colexios profesionais nos que están representados a maior parte das profesións derivadas de titulacións universitarias, e das máis diversas áreas: avogacía, administración de fincas, bioloxía, economía, enfermería, farmacia, veterinaria, enxeñería industrial, educación física, odontoloxía, psicoloxía, química, enxeñería informática, logopedia, etc., e nela se atopan representados máis de 50.000 profesionais. O feito de que os propios colexios



profesionais conten con persoal en entorno laboral e posúan un contacto directo con outros entornos laborais do seu ámbito convérteos en pezas clave para labores de prevención de situacións de acoso sexual, sendo a Unión Profesional de Galicia o nexo entre todos eles.

Por outro lado, AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións), está a levar a cabo en Galicia un papel moi activo na prevención e loita contra a violencia de xénero, incluído o acoso sexual, fundamentalmente no ámbito de empresa e as organizacións laborais.

A Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, estima de interese público establecer una liña de traballo conxunto con ambas entidades, e propónse a colaboración coa Unión Profesional de Galicia e con AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións) para canalizar o dito interese.

Por todo o indicado, todas as partes acordan formalizar o presente Convenio de Colaboración, que se rexerá conforme ao disposto nas seguintes:

CLÁUSULAS

PRIMEIRA.- Obxecto e finalidade.

O obxecto deste Convenio é establecer as condicións polas que se rexerá a colaboración entre a Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, a Unión Profesional de Galicia e AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións), para o apoio na prevención e detección de acosos sexual no entorno laboral, así como na distribución e difusión do



material informativo e de sensibilización que se elabore conxuntamente entre as entidades e a Secretaría Xeral da Igualdade, ou que este departamento poña á súa disposición destas, coa finalidade de procurar a maior difusión posible da mesmo.

O carácter singular do presente Convenio, ven determinado por razóns de interese público, e cómpre sinalar que na nosa Comunidade Autónoma, só no pasado ano 2017, máis de 1.600 mulleres foron vítimas directas da violencia de xénero, 2 delas con resultado de morte, así como 1 menor, o que fai evidente o interese social e humanitario de calquera acción que se dirixa a previr e detectar a violencia contra as mulleres, e a apoiar ás súas vítimas, e leva á Vicepresidencia e Consellería de Presidencia, Administracións Públicas e Xustiza, a través da Secretaría Xeral da Igualdade, a establecer a presente colaboración.

SEGUNDA.-Compromisos das partes.

- a) A Vicepresidencia e Consellería de Presidencia, Administracións Públicas e Xustiza, a través da Secretaría xeral da Igualdade, comprométese a facilitar o material informativo e de sensibilización a prol da eliminación da violencia de xénero e do acoso sexual que elabore, a Unión Profesional de Galicia e a AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións); así como a poñer á súa disposición persoal técnico especializado para a coordinación conxunta de actuacións e para a elaboración de contidos para accións formativas sobre violencia de xénero e prevención do acoso sexual a incluír no seus programas de formación se é o caso, de xeito que permita ás e a aos profesionais membros de ambas organizacións ampliar os seus coñecementos ao respecto e coñecer pautas de actuación.
- b) A Unión Profesional de Galicia comprométese a facilitar ós Colexios Profesionais que a integran tanta información sexa requirida en relación á prevención e detección de situacións de acoso ou do acoso sexual, así como a distribuír e difundir por distintos medios (físicos, portais web, redes sociais, etc.) entre tódolos seus colexiados, o



material que se elabore no marco da colaboración establecida neste Convenio, así como aquel outro que a Secretaría Xeral da Igualdade poña á súa disposición, coa finalidade de procurar a maior difusión posible do mesmo, e contribuír á sensibilización social no rexeitamento conxunto da violencia de xénero en xeral e do acoso sexual en particular.

- c) AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións), comprométese igualmente a facilitar canta información sexa requirida en relación á prevención e detección de situacións de violencia de xénero e do acoso sexual, a difundir esta iniciativa entre todas as persoas que a integran, as entidades públicas o privadas coas que teñan relacións, e contribuír mediante a sensibilización social nos diferentes ámbitos nos que está presente no rexeitamento da violencia de xénero e do acoso sexual, apoiando ademais na difusión do material informativo que se lle puidese facilitar por parte da Secretaría Xeral da Igualdade e facilitando contidos específicos sobre a violencia de xénero e o acoso sexual nas contornas de traballo.

TERCEIRA.- Financiamento.

Para a execución das actividades que leva consigo o desenvolvemento deste Convenio, a Vicepresidencia e Consellería de Presidencia, Administracións Públicas e Xustiza, a través da Secretaría xeral da Igualdade, articulará os instrumentos axeitados para sufragar o seu custo, mediante os mecanismo que se considere oportuno conforme a dereito.

CUARTA.-Duración.

O presente Convenio producirá efectos a partir da súa sinatura e ata o 31 de decembro de 2018.

QUINTA.- Inexistencia de relación laboral

A subscrición do presente Convenio non implicará relación laboral ou de calquera outra natureza entre as persoas ou profesionais que desenvolvan as accións que constitúen o seu



obxecto dependentes de Unión Profesional de Galicia ou da AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións) e a Vicepresidencia e Consellería de Presidencia, Administracións Públicas e Xustiza, de tal xeito que, por este concepto, non se lle poderá esixir a este departamento ningunha responsabilidade directa nin subsidiaria.

SEXTA.-Causas de extinción.

Será causa de extinción deste Convenio

- a) O incumprimento inxustificado, total ou parcial, dos compromisos establecidos.
- b) O mutuo acordo, que deberá ser motivado e manifestado por escrito antes da finalización do Convenio
- c) A desaparición das causas que motivaron a sinatura do Convenio.
- d) A finalización da vixencia.

SÉTIMA.- Protección de datos

A Unión Profesional de Galicia e AGAXEN (Asociación Galega de Profesionais da Auditoría Sociolaboral de Xénero e da Prevención do Acoso e da Violencia de Xénero nas Organizacións) quedan obrigada a gardar o segredo profesional respecto aos datos de carácter persoal das persoas usuarias das actuacións previstas neste Convenio dos que puidesen ter coñecemento, tanto dos contidos en ficheiros automatizados se fora o caso, como dos rexistrados en soportes físicos susceptibles de tratamento automatizado. Esta obriga subsistirá aínda cando finalice a súa colaboración coa Vicepresidencia e Consellería de Presidencia, Administracións Públicas e Xustiza, de acordo co establecido no Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais (Regulamento Xeral de protección de datos) e demais normativa concordante.

OITAVA.- Publicidade.

Este Convenio será obxecto de publicación de conformidade co previsto no artigo 15 da Lei 1/2016, do 18 de xaneiro, de transparencia e bo goberno.

As partes asinantes do presente Convenio comprométense a destacar nas actividades que se realicen para a difusión das accións previstas no Convenio, a colaboración prestada polas outras partes asinantes.

NOVENA.- Seguimento e Control.

As cuestións litixiosas xurdidas da interpretación, desenvolvemento e aplicación do Convenio serán resoltas pola Vicepresidencia e Consellería de Presidencia, Administracións Públicas e Xustiza, poñendo os seus acordos fin á vía administrativa. Contra estes acordos poderase proceder de conformidade co disposto no artigo 112 da Lei 39/2015, do 1 de outubro, do Procedemento Administrativo Común das Administracións Públicas, ou interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdicción contencioso-administrativa.

Para o seguimento da súa execución ou coñecemento de calquera cuestión sobre a súa interpretación, modificación, resolución ou efectos do mesmo que poidan xurdir, créase unha comisión mixta, que estará integrada por:

- Pola Vicepresidencia e Consellería de Presidencia, Administracións Públicas e Xustiza: A Secretaria xeral da Igualdade, que poderá dispor que a substitúa algún/ha funcionario/a desa Secretaría.
- Pola Unión Profesional de Galicia o seu Presidente ou persoa que este dispoña para que a substitúa.
- Pola AGAXEN (Asociación Galega de Profesionais da Auditoría Sociolaboral de

Xénero e da Prevención do Acoso e da Violencia de Xénero nas Organizacións), a súa Presidenta ou persoa que esta dispoña para que a substitúa.

E, en proba de conformidade cos termos do Convenio, as partes comparecentes asinan e rubrican por triplicado e a un só efecto, no lugar e data arriba indicados.

O VICEPRESIDENTE E CONSELLEIRO
DE PRESIDENCIA, ADMINISTRACIÓN
PÚBLICAS E XUSTIZA

Alfonso Rueda Valezuela

O PRESIDENTE DA UNIÓN PROFESIONAL
DE GALICIA

A PRESIDENTA DE AGAXEN

Antonio M. Macho Senra

María Ángeles García Pérez